

中秋讀西遊有感 用夔韻 #才社中秋分韻作業二

古水

甲辰年八月十二 / 2024-09-14

矢是雲來風作弩，紛紛射向神仙府。
神仙府上宴嘉賓，醉看姮娥歌且舞。
忽報妖猴舉棒來，門前掃倒南天柱。
上方有命令頻傳，急豎旌旗擂戰鼓。
鑿門星宮數百回，靈官敗陣丟斤斧。
山摧地裂震如雷，無不驚心雙慄股。
四下皆言弼馬溫，誰人勝得其威武？
西方有聖號如來，力可降龍能伏虎。
終是猴兒意氣多，奈何與之相爭賭。
遂生掌指化成山，覆壓地中年百五。
昔日恣游花果山，今朝落敗身為虜。
英雄從不論輸贏，自有豪情輕莫侮！